



**UNIT KOMUNIKASI KORPORAT
JABATAN PERIKANAN MALAYSIA
BERITA PERIKANAN HARI INI**

19 Julai 2021
9 Zulhijjah 1442h

SENARAI AKHBAR	TAJUK
Utusan Malaysia	<ul style="list-style-type: none">• RM195 juta hasil laut dirampas ketika pandemik• RM195 juta hasil laut dirampas dalam tempoh pandemik• Bangkai penyu agar ditemukan di Kuala Abang
Berita Harian	
Harian Metro	<ul style="list-style-type: none">• Terjun laut elak ditahan
Kosmo !	
Sinar Harian	<ul style="list-style-type: none">• Nekad terjun laut elak ditahan
The Star	
New Straits Time	
Nanyang Siang Pau	
Malaysia Gazette	
Harakah	
Malaysia Dateline	
Bernamea	
See Hua Daily News (Kuching)	
Guan Ming Daily	
Sin Chew Daily	

JENIS AKHBAR								MUKA SURAT	TARIKH
UTUSAN MALAYSIA	/	KOSMO !		THE STAR		NANYANG SIANG PAU			
BERITA HARIAN		SINAR HARIAN		THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN : POSITIF			NEGATIF		NEUTRAL			1	19/07/2021

RM195 juta hasil laut dirampas ketika pandemik

Oleh **NURAINA HANIS ABD. HALIM**
 utusannews@mediamulia.com.my

PETALING JAYA: Pandemik Covid-19 yang terus melanda seluruh dunia tidak meredakan 'rampakan' hasil laut oleh nelayan asing dengan nilai rampasan direkodkan Agensi Penguatkuasaan Maritim Malaysia (Maritim Malaysia) hampir RM195.51 juta sepanjang tahun 2020 hingga Jun lalu.

Lebih malang, jenayah tersebut turut didalangi warga tempatan yang tergamak bersekongkol dengan nelayan asing sehingga membolehkan mereka terus menembusi perairan perikanan Malaysia.

Kegiatan itu mendatangkan kerugian besar kerana hasil laut negara mampu memberi pulangan tangkapan dianggarkan hampir dua juta tan metrik setahun untuk 80,000 nelayan di seluruh negara.

Kebanyakan nelayan asing yang ditahan pula memilih dikenakan hukuman penjara berbanding membayar denda, sekali gus memberi kesan kepada kesesakan di pusat-pusat tahanan.

JENIS AKHBAR							MUKA SURAT	TARIKH
UTUSAN MALAYSIA	/	KOSMO !		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN : POSITIF			NEGATIF		NEUTRAL			

RM195 juta hasil laut dirampas dalam tempoh pandemik

Dari muka 1

Bercakap kepada Utusan Malaysia, Ketua Pengarah Agensi Penguatkuasaan Agensi Penguatkuasaan Maritim Malaysia (Maritim Malaysia), Datuk Mohd. Zubil Mat Som mendedahkan dalam tempoh 18 bulan itu, sebanyak 158 bot nelayan asing ditahan Maritim Malaysia di seluruh perairan negara.

Dalam tempoh sama, menurut beliau, agensi berkenaan menahan 1,524 kru bot iaitu melibatkan tekong, nelayan asing dan awak-awak.

Katanya, jumlah itu melibatkan seramai 965 orang untuk 2020 manakala bakiannya sepanjang enam bulan pertama tahun ini.

"Berdasarkan siasatan, kita dapati terdapat warga tempatan bersekongkol dengan nelayan asing sehingga mereka mampu masuk ke perairan perikanan negara.

"Malah, sumber laut di beberapa negara nelayan asing yang diancam kepupusan turut menyebabkan mereka terdesak mencuri hasil laut negara. Pencorobohan juga kerana industri perikanan antara menjadi sumber ekonomi utama negara di sini baru-baru ini.

Mengulas lanjut, Mohd. Zubil berkata, peruntukan akta dan undang-undang sedia ada berkaitan kesalahan tersebut dilihat tidak efektif.

Menurut beliau, ini kerana sehingga kini tiada denda dibayar oleh pencoroboh malah sebilangan yang memilih menjalani hukuman penjara.

Jelasnya, bot dan kapal asing yang mencoroboh perairan negara boleh didakwa di bawah Akta Perikanan 1985 yang memperuntukkan hukuman denda tidak melebihi RM6 juta bagi setiap pemilik bot dan denda RM600,000 bagi setiap anak kapal, jika disabitkan kesalahan.

"Jika tidak mampu membayar denda, pemilik bot boleh dipenjarakan selama setahun manakala anak kapal berhadapan dengan enam bulan penjara.

"Situasi ini merugikan negara menyebabkan kerajaan terpaksa menanggung kos kehidupan pesalah selama tempoh tahanan maksimum setahun", katanya.

Januari lalu, Menteri Dalam Negeri, Datuk Seri Hamzah Zai-uddin mendedahkan, nilai kerugian negara berikutan hasil laut dicuri nelayan Vietnam pada tahun lalu sahaja dianggarkan kira-kira RM4 bilion.

Malah, menurut Hamzah, nelayan laut dalam di negara ini disaran mengurangkan pergantungan terhadap nelayan asing bagi mengatasi isu pencorobohan perairan negara.

Ujar beliau, pergantungan terhadap nelayan asing bagi kelas laut dalam amat tinggi sehingga 90 peratus terutama di Pantar Timur.



DATUK Mohd. Zubil Mat Som melihat empat buah bot nelayan Vietnam yang ditahan menerusi Op Kuda Laut ketika melakukan lawatan kerja di Ibu Pejabat APMM Terengganu pada April lalu. - UTUSAN/PUQITRA HARRY ROSLI

JENIS AKHBAR							MUKA SURAT	TARIKH		
UTUSAN MALAYSIA	/	KOSMO !		THE STAR		NANYANG SIANG PAU			28	19/07/2021
BERITA HARIAN		SINAR HARIAN		THE SUN		ORIENTAL DAILY				
HARIAN METRO		NEW STRAITS TIMES		THE MALAY MAIL		PELBAGAI				
KATEGORI LIPUTAN : POSITIF			NEGATIF		NEUTRAL					

Bangkai penyu agar ditemukan di Kuala Abang

DUNGUN: Bangkai seekor penyu agar jantan yang sudah reput ditemukan terdampar di Pantai Kuala Abang di sini semalam.

Pengarah Perikanan negeri, Ruzaidi Mamat berkata, bangkai reptilia marin berusia antara 20 hingga 30 tahun itu ditemu-

kan oleh orang awam kira-kira pukul 9 pagi.

"Kita dapati penyu malang itu dalam keadaan membengkak dengan usus perutnya terkeluar pada bahagian belakang badan.

"Bagaimanapun, tiada kesan kecederaan akibat perbuatan

khianat dikesan pada keseluruhan anggota badan dan kita percaya haiwan itu sudah mati kira-kira seminggu," katanya dalam kenyataan semalam.

Ruzaidi berkata, sehingga kini sebanyak 24 kematian penyu direkodkan di seluruh negeri, sejak Januari lalu.



BANGKAI penyu agar jantan yang dipercayai sudah mati sejak seminggu lalu dengan usus perutnya terkeluar di Pantai Kuala Abang di Dungun.

JENIS AKHBAR							MUKA SURAT	TARIKH
UTUSAN MALAYSIA		KOSMO !		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO	/	NEW STRAITS TIMES		THE MALAY MAIL		PELBAGAI		
KATEGORI LIPUTAN : POSITIF			NEGATIF		NEUTRAL			

Oleh Zatul Iffah Zolkipli
zatuiffah@hmetro.com.my

Terjun laut elak ditahan

Kuala Terengganu

APMM tahan 2 bot, 13 nelayan warga Vietnam curi hasil laut bernilai RM3 juta

Beberapa nelayan warga Vietnam nekad terjun ke dalam laut bagi mengelak ditahan Agensi Penguatkuasaan Maritim Malaysia (APMM) selepas kegiatan mereka mencero- boh dan mencuri hasil laut di perairan negara disedari pihak berkuasa, kelmarin.

Bagaimanapun, tindakan pantas anggota APMM mematahkan cubaan mereka sebelum 13 nelayan bersama dua bot ditahan ber-

sama rampasan bernilai RM3 juta.

Kedua-dua bot itu ditahan Kapal Maritim (KM) Gemia pada jarak antara 108 hingga 112 batu nautika dari Kuala Terengganu antara jam 9 hingga 10 pagi.

Pengarah Maritim Negeri Terengganu, Kepten Maritim Muhammad Suffi Mohd Ramlil berkata, KM Gemia yang melaksanakan Op Ku-

da Laut menerima maklumat daripada Pusat Operasi Maritim Terengganu (PU-SOP) berkaitan kehadiran bot mencurigakan di sekitar sempadan perairan negara.

Beliau berkata, bot dipercayai nelayan Vietnam itu disyaki melakukan pe-

ngambilan hasil laut di perairan negara tanpa kebenaran sebelum KM Gemia digerakkan ke lokasi untuk membuat pemantauan.

"Pemeriksaan mendapati terdapat dua bot Vietnam di lokasi berkenaan dan beberapa nelayan cuba melarikan diri de-

ngan terjun ke laut sebaik menyedari kehadiran anggota.

"Bagaimanapun, cubaan itu dipatahkan anggota KM Gemia yang menyelamatkan mereka naik ke atas kapal.

"Hasil pemeriksaan mendapati bot berkenaan dikendalikan 13 nelayan termasuk tekong berumur 22 hingga 41 tahun dan semua tidak memiliki sebarang doku-

men pengenalan diri sah.

"Kami turut merampas pelbagai hasil tangkapan laut, diesel dan peralatan ikan dianggarkan bernilai RM3 juta sebelum bot dan nelayan dibawa ke Jeti Maritim Terengganu untuk siasatan lanjut mengikut Akta Perikanan 1985 dan Akta Imigrasi 1959/1963," katanya dalam satu kenyataan, semalam.

Bot berkenaan dikendalikan 13 nelayan termasuk tekong

JENIS AKHBAR							MUKA SURAT	TARIKH
UTUSAN MALAYSIA		KOSMO !		THE STAR		NANYANG SIANG PAU		
BERITA HARIAN		SINAR HARIAN	/	THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN :		POSITIF		NEGATIF		NEUTRAL		

Maritim tahan dua bot nelayan asing Vietnam kerana menceroboh perairan negara

Oleh NORHASPIDA YATIM

KUALA TERENGGANU

Beberapa nelayan Vietnam terjun ke laut selepas bot yang dinaiki mereka secara haram dihampiri kapal Agensi Penguatkuasaan Maritim Malaysia (Maritim Malaysia).

Pengarah Maritim Malaysia Terengganu, Kepten Maritim Muhammad Suffi Mohd Ramli berkata, anggota penguat kuasa bertindak pantas mengarahkan mereka naik ke atas kapal.

Beliau memberitahu, kejadian itu berlaku antara jam 9 hingga 10 pagi pada Sabtu ketika Kapal Maritim (KM) Gemil sedang melakukan Op Kuda Laut pada kedudukan 108 hingga 112 batu nautika dari Kuala Terengganu.

Susulan itu katanya, Maritim Terengganu menahan dua bot nelayan asing Vietnam bersama 13 kru termasuk tekong yang dipercayai menceroboh perairan negara.

"KM Gemil menerima maklumat daripada Pusat Operasi Maritim Terengganu (Pusop) yang mendapati nelayan tersebut dikesan sedang melakukan aktiviti penangkapan hasil laut di perairan negara tanpa kebenaran,"

Nekad terjun laut elak ditahan



Seramai 13 kru nelayan Vietnam termasuk tekong dari dua buah bot ditahan anggota Kapal Maritim (KM) Gemil ketika melakukan Op Kuda Laut pada kedudukan 108 hingga 112 batu nautika dari Kuala Terengganu.

katanya dalam satu kenyataan di sini pada Ahad.

Menurut Muhammad Suffi, kesemua kru serta tekong berusia antara 22 hingga 41 tahun tidak memiliki sebarang dokumen pengenalan diri yang sah ditahan selain merampas bekalan diesel dan peralatan menangkap ikan dianggarkan bernilai hampir RM3 juta.

Katanya, kesemua yang ditahan dibawa ke jeti Maritim Negeri Terengganu untuk siasatan lanjut di bawah Akta Perikanan 1985 dan Akta Imigresen 1959/1963.

"Maritim Malaysia tidak akan ber-

kompromi dengan mana-mana pihak terutamanya nelayan asing yang menceroboh perairan negara bagi mengaut hasil laut tanpa kebenaran yang mana akan merugikan negara.

"Rondaan dan pemantauan akan terus dipertingkatkan dari masa ke masa bagi mencegah sebarang aktiviti yang menyalahi undang-undang maritim," katanya.

Beliau berkata, sebarang maklumat dan salah laku dikesan berlaku di perairan negara boleh dilaporkan ke talian MERS 999 atau Pusat Operasi Terengganu di talian 09-6223657.

Bangkai penyu ditemui di Pantai Kuala Abang

DUNGUN - Bangkai seekor penyu dengan anggota badan membengkak dan usus terkeluar ditemui penduduk di Pantai Kuala Abang di sini pada Sabtu.

Pengarah Jabatan Perikanan Terengganu, Ruzaidi Mamat berkata, penyu dianggarkan berusia 20 hingga

30 tahun itu dipercayai mati sejak seminggu lalu.

"Penyu itu dipercayai mati kerana lemas akibat tersangkut pukat," katanya dalam satu kenyataan pada Ahad.

Beliau berkata, penemuan bangkai penyu tersebut menjadikan 24 kes kematian penyu dilaporkan tahun ini.

Keadaan bangkai penyu yang hampir reput dengan usus terkeluar berhimpiran Pantai Kuala Abang, Dungun pada Sabtu.

